



REPUBLIKA E SHQIPËRISË

AUTORITETI I KOMUNIKIMEVE ELEKTRONIKE DHE POSTARE  
KËSHILLI DREJTUES

Nr. 865/Prot.  
146

Tiranë, më 10.01.2024

V E N D I M

Nr. 1, datë 10.01 2024

Për

**“MIRATIMIN PËR KËSHILLIM PUBLIK TË DOKUMENTIT: “ANALIZË E  
TREGJEVE ME SHUMICË TË AKSESIT NË BROADBAND””**

Këshilli Drejtues (KD) i Autoritetit të Komunikimeve Elektronike dhe Postare (AKEP), me pjesëmarrjen e:

|                |          |         |
|----------------|----------|---------|
| 1. Z. Tomi     | Frashëri | Kryetar |
| 2. Znj. Edlira | Dvorani  | Anëtare |
| 3. Z. Bleron   | Dokle    | Anëtar  |
| 4. Z. Armer    | Juka     | Anëtar  |
| 5. Z. Lorenc   | Bako     | Anëtar  |

dhe sekretare Znj. Evblina Taci, në mbledhjen e datës 10/01/2024, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme për “Funksionimin e Këshillit Drejtues të Autoritetit të Komunikimeve Elektronike dhe Postare” miratuar me Vendimin Nr.7, datë 16.02.2017 të Këshillit Drejtues të AKEP, si dhe Ligjit nr.8480, datë 27.05.1999 “Për funksionimin e organeve kolegjiale të administratës shtetërore dhe enteve publike”, me propozim të Drejtorisë së Tregjeve dhe Masave Rregullatore, shqyrtoi çështjen me objekt:

*“Miratimin për këshillim publik të dokumentit – “Analizë e tregjeve me shumicë të aksesit në Broadband fiks””.*

**BAZA LIGJORE:**

1. Neni 31 e në vijim i Kreut VI (Rregullimi i Konkurrencës) të ligjit nr. 9918, datë 19.05.2008 “Për Komunikimet Elektronike në Republikën e Shqipërisë” i ndryshuar (Ligji nr. 9918/2008);

2. Ligji nr.44/2015, "Kodi i Procedurave Administrative në Republikën e Shqipërisë" (Ligji nr. 44/2015);
3. Rregullore Nr.9 "Për Analizën e Tregut", miratuar me VKD nr.747, date 17.07.2009, e ndryshuar;
4. Rregullore për Procedurat e Këshillimit Publik, miratuar me vendimin e Këshillit Drejtues të AKEP nr.21, datë 7.12.2021.

### K Ë S H I L L I D R E J T U E S:

Nga shqyrtimi i materialit shkresor të përbërë si më poshtë:

1. Dokumenti i përgatitur "Analizë e tregjeve me shumicë të aksesit në Broadband fiks";
  2. Projekt-Vendimi i formatuar dhe arsyetuar;
  3. Relacioni shoqërues i Projekt-Vendimit;
- si dhe nga diskutimet në mbledhje mbi çështjen, dhe duke iu referuar bazës ligjore të sipërcituar,

### V Ë R E N:

1. Dokumenti Analizë e tregjeve me shumicë të aksesit në Broadband fiks është përgatitur nga AKEP në zbatim të përcaktimeve të Ligjit nr.9918, date 19.05.2008 "Për Komunikimet Elektronike në Republikën e Shqipërisë", i ndryshuar, si edhe merr në konsideratë udhëzimet dhe rekomandimet e Komisionit Evropian për këto tregje, me synimin përmirësimin dhe nxitjen e konkurrencës efektive në tregun broadband internet nga vendndodhje fikse në Republikën e Shqipërisë.
2. Lidhur me hartimin e dokumentit AKEP në cilësinë e Autoritetit Kontraktor ka marre sherbimin "Konsulencë për vlerësimin për kryerjen e analizave të tregut Broadband" nga bashkimi operatorëve Albanian Business Partner sh.p.k dhe Tera Consultants.
3. AKEP në bashkëpunim me konsulentin ka zhvilluar një analize të thelluar të tregut broadband, për të gjitha tregjet të cilat ndikojnë në zhvillimin e këtij tregu në Shqipëri, tregje të cilat janë në listën e tregjeve të rekomanduara nga BE, por edhe duke konsideruar rrethanat kombëtare në përputhje me Rregulloren nr.9 të analizës së tregjeve dhe përcaktimeve të ligjit 9918 "Për komunikimet Elektronike në RSH", përfshirë rekomandimet e KE, si dhe praktikat më të mira ndërkombëtare si edhe përcaktimeve të VKM nr.434, datë 3.06.2020 "Plani kombëtar për zhvillimin broadband 2020-2025".

AKEP synon që analizën dhe gjetjet të përdorë në procesin e vendimmarrjes për miratimin e analizës së tregut broadband për përcaktimin e sipërmarrësve me FNT dhe vendosjen, ndryshimin, mbajtjen ose heqjen e detyrimeve (masave rregullatore) për sipërmarrësit me FNT.

4. Ky dokumenti i miratuar nga AKEP:
  - a. përbën një dokument të rëndësishëm rregullator në bazë të të cilit merren vendimet për FNT në tregjet e analizuar dhe masat rregulluese respektive, të cilat janë shumë të



- rëndësishme për zhvillimet rregullatore dhe tregun e komunikimeve elektronike në Shqipëri;
- b. nga pikëpamja e rregullsisë, është në përputhje me procedurën e përcaktuar në ligjin 9918/2008 dhe Rregulloren për Analizën e tregut 9/2009, e ndryshuar;
  - c. nga pikëpamja e ligjshmërisë është në konformitet me përcaktimet ligjore të parashikuara për analizën e tregut në nenin 31 e në vijim të Kreut VI të Ligjit 9918, dhe Rregullores, përfshirë përkufizimin e detajuar të tregjeve përkatës, kriteret e përcaktimit FNT, dhe detyrimet e parashikuara për FNT;
  - d. ka marrë në konsideratë rekomandimet dhe direktivat e Komisionit Evropian dhe praktikën më të mirë rregullatore në vendet e Bashkimit Evropian, parimet e ligjit të konkurrencës dhe kushtet aktuale të tregut në Shqipëri;
  - e. vendosja, ndryshimi, mbajtja dhe heqja e detyrimeve për FNT është në përputhje, me përcaktimet e nenit 36 e në vijim të Kreut VI të Ligjit 9918, me pikën 5 të nenit 3 të Rregullores dhe me objektivat rregullatore të AKEP, të përcaktuara në nenin 7 të ligjit 9918.
5. Tregjet me shumicë të aksesit në Broadband fiks, janë pjesë e listës së tregjeve të miratuara në rregulloren e AKEP me Nr. 9, datë 17.07.2009 “Për Analizën e tregut”, e ndryshuar, gjithashtu edhe pjesë e tregjeve për rregullim sipas rekomandimit të Komisionit Evropian të vitit 2014, dhe për këtë arsye AKEP nuk e konsideron të nevojshme të bëjë një analizë të tre kriterëve nëse këto tregje janë tregje përkatës të justifikueshëm për ndërhyrje *ex-ante*. Ndërsa tregu me shumicë i aksesit në infrastrukturën pasive ndër-urbane në nivel kombëtar nuk është pjesë e kësaj liste dhe është konsideruar e nevojshme kryerja e analizës duke u bazuar në parashikimet e testit të tre kriterëve për të përcaktuar nëse ky treg është i justifikueshëm për ndërhyrje *ex-ante*.
6. Bazuar në rregulloren Nr. 9, datë 17.07.2009 “Për Analizën e tregut”, e ndryshuar, AKEP analizon tregjet përkatëse të mëposhtme si tregje të mundshme për ndërhyrje *ex-ante* në territorin e Republikës së Shqipërisë në fushën e komunikimeve elektronike, *inter alias*:
- Tregu me shumicë i aksesit në nivel lokal në vendndodhje fikse (WLA);
  - Tregu me shumicë i aksesit në nivel qendror për produkte të tregut të përgjithshëm (WCA);
  - Tregu me shumicë i aksesit me cilësi të lartë nga vendndodhje fikse (WHQA).

### PËR KËTO ARSYE:

Duke marrë në konsideratë rëndësinë e miratimit të dokumentit të cituar më lart, bazuar në pikën 1 të nenit 114, dhe pikën 1 të nenit 115 të ligjit nr. 9918, i ndryshuar, Këshilli Drejtues i AKEP

### VENDOSI:

1. Të miratojë nxjerrjen për këshillim publik të dokumentit, “Analizë e tregjeve me shumicë të aksesit në broadband fiks”, sipas dokumentit bashkëlidhur.

2. Procedura e këshillimit publik të kryhet për një periudhë 60 ditore nga data e publikimit të dokumentit në faqen e internetit të AKEP.
3. Ky Vendim dhe Dokumenti për këshillim publik "*Analizë e tregjeve me shumicë të aksesit në broadband fiks*", të publikohen në faqen e internetit [akep.al](http://akep.al).
4. Ngarkohet Drejtoria e Tregjeve dhe Masave Rregullatore si dhe Grupi i zbatimit të kontratës për ndjekjen dhe zbatimin e këtij vendimi.

Ky vendim hyn në fuqi menjehere.

**Kryetar**

**Tomi Frashëri**




**Anëtar**

**Edlira Dvorani**



**Anëtar**

**Bleron Dokle**



**Anëtar**

**Lorenc Bako**



**Anëtar**

**Armer Juka**

